

**GOBIERNO DI ARUBA TA
CUMPLI RESPONSABLEMENTE
CU NORMANAN FINANCIERO
Y TA CONTINUA INVERTI DEN
COMUNIDAD**



WWW.SOLODIPUEBLO.COM



SOLODIPUEBLO@GMAIL.COM



MISHA NO KIER TRAHA MAS CU MEP PERO SI CU AVP

Tur encuesta ta mustra cu Misha lo bay cas !



**SISTEMA NOBO DI
SALARIO MINIMO LO TA
UNO HUSTO, SPECIAL PA
ESNAN CU TA TRAHA MAS
CU 40 ORA**

ENDY CROES TA CAMPAÑANDO FUERTE ROND DI ARUBA
Aruba ta contento cu e trabounan cu MEP a realisa

Danki na e bario di Savaneta pa nan participacion

**UN BIAHA MAS
PARTIDO MEP A CONTA
CU UN ENCUENTRO DI
BAN TOPA EXITOSO**



Parlamentario drs. Shailiny Tromp-Lee:

SISTEMA NOBO DI SALARIO MINIMO LO TA UNO HUSTO, SPECIAL PA ESNAN CU TA TRAHA MAS CU 40 ORA



40 ora	42 ora	44 ora	45 ora
Awg. 11.58 p/ora	Awg. 11.03 p/ora	Awg. 10.53 p/ora	Awg. 10.29 p/ora
Awg. 1986.20 p/luna	Awg. 1986.20 p/luna	Awg. 1986.20 p/luna	Awg. 1986.20 p/luna

Na 2018 mi a cuminsa haci un desk research pa loke ta trata e tematica di salario minimo. Despues cu mi a repasa y analisa Landsverordening Minimumlonen, Código Civil di Aruba, consehonan di SER al respecto, mi a cuminsa cu e parti di comparacion cu e otro paisnan den Reino pa loke ta trata salario minimo. Unabes mi tabatin esaki cla, mi a cuminsa cu mi ronda di consulta na 2019 pa trata e iniciativa di ley

cu mi kier a presenta pa loke ta trata cambio di ley di salario minimo pa logra cu esaki ta bira uno husto, cu ta introduci un salario minimo pa hobennan entre 16-17 aña, cu ta ancla un metodo di calculacion fiho pa stipula e porcentahe di inflacion. Alabes mi a usa e ronda aki pa inventarisa deseo pa cambio cu diferente stakeholders mes ta presenta. Asina por haci un solo trabou.

Manera 2019 a habri

40 ora	42 ora	44 ora	45 ora
Awg. 2007.05 Aumento di 20.85	Awg. 2107.40 Aumento di 121.2	Awg. 2207.75 Aumento di 221.55	Awg. 2257.93 Aumento di 271.73

mi a cuminsa reuni cu diferente stakeholder entre otro Minister di Labor, Departamento di Labor, SER, FTA y Hefe di Seccion di Investigacion di DAO. Despues di e ronda aki mi a cuminsa traha riba e iniciativa di ley pero a yega na e punto cu falta data pa mi por calcula e impacto di e cambionan proponi y na mi opinion mester haci e cambionan na un manera responsabel. Asina mi a cuminsa e proceso tambe pa wak con ta bay yega na e cifranan necesario. Pa mi mala suerte pandemia a bati na nos porta y tur cos a para. Mi por bisa si cu asina nos a cuminsa recupera y cosnan a cuminsa stabilisa Minister Glenbert Croes a start e proceso di investigacion pa por yega na e data necesario pa porfin nos por realiza un sistema di salario husto pa nos hendenan. Esaki a culmina den un concepto

di cambio ley al repecto cu ya caba a keda aproba pa Consejo di Minister y tin cu cana su caminda via Raad van Advies rumbo Parlamento. Relaciona cu esaki recientemente Minister Glenbert Croes a haci un presentacion al respecto na Comision Fiho di Labor di Parlamento y a anuncia y presenta esaki na publico tambe.

Mi ta sostene e cambionan cu a keda presenta mirando cu desde 2019 mi ta plantiando e proposicion pa bin cu un salario minimo pa ora (minimum uurloon) pa haci e salario minimo uno mas husto. Ta bon pa pueblo realiza cu actualmente na Aruba ta existi un salario minimo di Awg. 1986.20 pa luna y Awg. 463.25 pa siman, no obstante e cantidad di ora cu bo ta traha, si ta salario minimo bo ta gana, ta e suma di Awg. 1986.20 bo ta

gana. Mas cu claro esaki ta trece un situacion inhusto cu ne. Esnan cu ta traha mas ora pa siman ta gana menos pa ora. Aki bou mi ta ilustra e situacion actual.

aSi e concepto di cambio di ley keda aproba pa Parlamento, e deseo di Gobierno lo ta pa entrante 1 di januari 2025 nos lo tin un salario minimo pa ora. Esaki sigur lo tin su impacto pa e clase trahador y aki bou mi ta ilustra kico e salario minimo lo bira pa luna segun e cantidad di ora cu bo ta traha. Mi ta convenci cu e cambio aki ta na su lugar y si no tabata pa pandemia e lo tabata un realidad caba. Palabranan di danki sigur mi kier manda na Departamento di Labor cu a realiza e investigacion necesario y na Minister Glenbert Croes cu a pone como un prioridad.

CAMBIA PERSPECTIVA
TOCANTE OBESIDAD:
SA BO NUMBER Y MIDI
BO PESO



Partido MEP:

Danki na e bario di Savaneta pa nan participacion

UN BIAHA MAS PARTIDO MEP A CONTA CU UN ENCUENTRO DI BAN TOPA EXITOSO



Diamars anochi, Partido Movimiento Electoral di Pueblo (MEP) a organisa un exitoso Ban Topa den Savaneta. Ban Topa ta un evento cu partido MEP a cuminsa cu ne na aña 2023, y debi na e exito rotundo a continua cu ne den 2024. E meta di e encuentro aki ta pa candidatonan riba lista, encontra cu habitantenan di e bario cu nan ta representa, pa asina comparti informacionnan valioso y duna nan e oportunidad di haci pregunta.

Durante e encuentro di Ban Topa na Savaneta, partido MEP a presenta 3 candidato nobo cu a uni nan mes na e lista di MEP, y lo ta participando na eleccion electoral december proximo. E tres candidatonan aki, hunto cu Rodymar Geerman y Rocco Tjon lo representa

e bario di Savaneta. Tres dama, Natalie Geerman, Shirley Rafini y Marceylaine Paskel.

Despues di e videonan di introduccion a sigui cu e presentacionnan, na unda Natalie Geerman, Rodymar Geerman y Rocco Tjon a sa di duna hopi informacion importante y relevante. Por ultimo a duna su presentacion, lider di partido Evelyn Wever-Croes cu tambe a comparti hopi informacion importante, incluyendo e

7 puntonan di prioridad pa pais Aruba, cu partido MEP lo enfoca riba dje.

E anochi aki, mescos cu tur otro evento di "Ban Topa", a conta cu un Cebtro di Bario Savaneta completamente yen. Esnan presente a haci varios pregunta y sugerencia, pero alabes a duna aplauso na tur e logronan di e gobierno actual. Partido Movimiento Electoral di Pueblo MEP ta gradici e bario di Savaneta pa nan participacion.



Prome Minister Evelyn Wever-Croes: Den e Sala di Ministerraad, **ALUMNONAN DI KLAS 6 DI SCOL DUN'UN MAN A BISHITA PROME MINISTER** Na e momento aki nan ta studiando e materia di e proceso di Eleccion



Diamars 22 di october, Prome Minister Evelyn Wever-Croes tawatin e honor di ricibi bishita di 12 alumno di klas 6 di Scol Dun'un Man. Riba e

mainta aki e alumnonan a bishita Parlamento di Aruba y despues a pidi pa bishita Bestuurskantoor y akinan Prome Minister di Aruba a ricibi nan cu brasa

habri. E alumnonan na e momento aki ta studiando e materia di e proceso di Eleccion cu enfoke riba e proximo Eleccion dia 6 di december.

E alumnonan a reuni cu e mandatario den e Sala di Ministerraad unda cu cada un a trece nan puntonan di interes padilanti. Entre otro nan preocupacionnan y deseonan pa Aruba, poniendo enfasis riba e limpieza y e conservacion

di e naturalesa, e lama di Aruba, facilidadnan di deporte y recreacion, y tambe riba enseñansa special avansa. Tambe e mandatario a delibera cu e alumnonan riba futuro di Aruba y nan propio futuro.

“A trata di un encuentro hopi ameno. E muchanan aki tin un luga hopi special den mi curason. Mi a tuma tur nan puntonan expresa bon na cuenta. Tawata un mainta yena cu bunita

momentonan y mi ta gradici Scol Dun'un Man pa inculca e conocimiento di e proceso di Eleccion cerca hobennan desde edad jong. Asina nan por desaroya e conocimiento y experiencia pa ora nan ta adulto, nan por eherce nan derecho di voto. Pabien Scol Dun'un Man y danki pa organisa encuentronan asina. Pa mi tawata un honor pa ricibi e muchanan”, Prome Minister a expresa.

MISHA NO KIER TRAHA MAS CU MEP PERO SI CU AVP

Tur encuesta ta muestra cu Misha lo bay cas !



Den un programa di red social, Misha a declara cu e no kier traha mas cu MEP. “Preferibel no”. Si no ta MEP, e ora ta cu AVP Misha lo kier traha.

Pues desde awor caba pueblo sa, cu vota pa Misha kemen vota pa AVP bolbe bek.

Sinembargo, Tur encuesta ta muestra cu Misha no tin bida politico y cu 6 di december e mester bay cas of bay busca trabao.

Misha no por remplasa e vacio cu Geoffrey ta laga. Misha no tin peso. Ta un dama cu no tin cordialidad y parce basta cera.

Ademas su integridad ta wordo cuestiona seriamente cual despues nos lo amplia.

Aruba Bank ta avisa PLANIA BO CITA PA BISHITA NOS DEPARTAMENTO DI SEGURO

23 di oktober 2024 - Aruba Bank kier informa su clientenan cu mester haci un cita via di nan sistema di eAppointment pa ricibi servicio di seguro.

E proceso aki ta diseña pa por brinda e mihor experiencia posibel na tur su clientenan, garantizando cu cada cliente ta ricibi un servicio personal y


eficiente for di un di nos representantenan di e departamento di Seguro di Aruba Bank.

Informacion importante tocante nos sistema di eAppointment:

- Tur consulta y servicio di seguro ta rekeri un cita via nos sistema di eAppointment.
- Un tempo registra cu nos representantenan di seguro ta segura cu tur bo necesidadnan ta wordo trata.
- Evita para den fila door di scoge un tempo cu ta cuadra cu bo schedule.

Clientenan cu ta uzando of tin plania pa uza nos servicio di seguro ta ser pidi pa bishita nos website via <https://arubabank.com/eAppointment> pa asina haci bo cita pa asina bo wordo atendi puntualmente na e orario asigna.

Pamais informacion of asistencia cu e sistema di eAppointment, por tuma contacto cu e Contact Center di Aruba Bank na 527-7777.



HOOFDSTEMBUREAU ARUBA

Obligacion di entrega di e lista di donacion na Comision di Finansa di Partido Politico

ORANJESTAD - For di 1 januari 2021, e ley di Regulacion di Finanzas di Partido Politico (AB2020 no. 153) ta na vigor na Aruba.

E meta di e ley aki ta pa controla e finanzas di e partidonan politico y candidatonan cu ta participa den e eleccion parlamentario. E Comision di Finanzas di Partido Politico (Comision di Finanzas), di cual e presidente di Consejo Electoral ta fungi como presidente, ta encarga cu e supervision di e finanzas di tur partido politico y candidato. Recientemente, a instala e Comision di Finanzas y pa prome biaha e comision den henter su constelacion lo supervisa e finanzas di tur partido y candidato durante henter e proceso di eleccion. Siguientemente e Comision di Finanzas kier a vocifera e reglanan cu ta conta pa tur partido politico y candidato y cu lo aplica esaki segun ley durante e participacion den e eleccion parlamentario di dia 6 di december 2024.

Requisitonan Principal

- Registro di Donacion:**
Tur partido y candidato mester registra e donacionnan cu a ricibi for di 12 luna prome cu eleccion.
- Entrega di Registro:**
E registro di donacionnan te 21 dia prome di eleccion mester wordo entrega na e Comision di Finansa. Entrega di esaki mester tuma luga entre 21 pa 14 dia prome cu e eleccion venidero.
- Declaracion di Entrada y Gasto:**
Tambe nan mester presenta un resumen di e entrada y gasto di nan actividadnan di recaudacion di fondo.

Si nan no cumpli cu e requisitonan aki, e Comision di Finanzas por solicita informacion adicional y tambe por impone multa.

Publicacion di Donacion:

- 7 dia prome cu eleccion, e Comision di Finanzas lo publica un resumen di e donacionnan ricibi door di e partidonan politico y candidatonan.
- Despues di eleccion, e partidonan politico y candidatonan mester entrega otro resumen dentro di 7 dia despues di eleccion y e Comision di Finanzas lo publica un rapport 14 dia despues di e eleccion.

Ta fundamental cu tur e partidonan politico y candidatonan cu ta participa den e eleccion dia 6 di december 2024 ta na altura di nan obligacionnan y cu nan lo cumpli cu e obligacionnan aki pa garantisa e transparencia financiero.

Parlamentario Setty Yarzagaray:

GOBIERNO DI ARUBA TA CUMPLI RESPONSABLEMENTE CU NORMANAN FINANCIERO Y TA CONTINUA INVERTI DEN COMUNIDAD

Presupuesto 2025 entrega na tempo cu resultadonan positivo



ORANJESTAD, Aruba 6 di september 2024: Parlamentario Setty Yarzagaray, di fraccion di MEP a duna di conoce cu diahuebs siman pasa, Minister di Finanzas, Xiomara Maduro, hunto cu profesionalnan di Departamento di Finanzas, a entrega Presupuesto 2025 na Parlamento di Aruba, riba un 29 di September, cumpliendo asina pa di tres biaha e record di entrega Presupuesto di Aruba prome cu 1 di September, manera cu ley ta prescribi.

El agrega cu e puntonan principal pa cu e presupuesto ta e normanan cu Pais Aruba tin cu cumpli cu ne pa asina e por wordo aproba hasta pa e comision

di CAft como tambe den concordancia cu Hulanda.

Un di e puntonan principal ta e norma di e 1% di 'financieringssaldo' cu mester cumpli cu 1% di surplus, den e caso aki. Esaki a cumpli cu 1.8% (0.8% mas cu locual e norma ta indica) cu ta resulta den un surplus di 138 miyon florin, e parlamentario a splica.

El a sigui bisa cu e di dos norma cu mester cumpli cu ne ta e norma di 'personeelslasten norm'. Esaki mester cumpli eigenlijk desde 2027 pa e keda bao di 10% di GDP. Aruba su porcentahe ta abao di 10% menos aña 2020, cu tabata e aña di Covid. Despues di esey pa awo, e ta caba bao di

10% y den aña 2025 e ta proyecta na 6.8%. Esaki bao di 10% prome cu aña 2027 cu ta loke Hulanda ta premira of exige di Aruba. Ta di remarca tambe cu e 6.8% aki ta cumpliendo cu e trahadonan publico pagando nan indexering for di aña 2018 te cu 2023, a bisa.

Setty Yarzagaray a indica cu gobierno ta cumpliendo cu e normanan prome cu e añanan cu ta indica y ta premira cu hasta miho cu a anticipa.

Tambe ta ser exige pa aña 2031 e debenan na ingreso di Pais Aruba ('Debt to GDP') mester cumpli cu 70%. Ya caba ta proyecta pa 2025 yega na e 70% aki, seis aña prome, y ya caba Pais Aruba ta eynan.

Si tur cos bay manera ta proyecta, segun economia ta desaroya, segun gobierno ta hiba su maneho den un forma responsabel, lo yega na esaki pa aña 2025, e parlamentario a remarca.

Ademas, si Aruba sigui keda riba e tendencia aki pa aña 2031, Aruba lo cumpli cu 50% di e 'Debt to GDP', segun proyeccion di Departamento di Finanzas, esta prome cu 2040 manera Hulanda ta exige.

E parlamentario

a enfatisa cu esaki no ta cualkier resultado. Ta resultadonan di un maneho responsabel y tambe cu dedicacion.

Eyfo ta tende critica, ta papia di surplus y con a para cu dunamento bek. El a bisa cu awor a yega e ora pasobra ta cumpliendo y esaki ta refleha cu e anuncio y lansamento di diferente proyecto, manera esun di Stichting Hunto, e proyecto di 'studenten flat', Lotto pa Deporte, drechamento di camindanan, entre otro, cu gobierno ta realisando.

"Cu kico gobierno ta realisa esaki? Cu hustamente e placa cu nan ta pone disponibel pa ehecuta e proyecto y cu e surplus cu nan ta genera. Pasobra gobierno a bay tambe di inversionnan cu antes tabata masha hopi mes cu awe bo mester paga bek. Pero aworaki responsabelmente a cuminsa cu 25 miyon aña pasa y logicamente ora bo surpasa e surplus por crece cu por 'add-on' e lista di proyectonan".

Pa aña 2025 e suma ta na 33 miyon florin y si e economia desaroya miho cu ta anticipa atrobe por agrega proyectonan na esakinan, Yarzagaray a splica.

Ya caba Parlamento a trata e presupuesto supletorio di 2024 cu tambe a resulta miho, cu a anticipa y mas placa por wordo aloca na proyectonan.

Segun proyeccion di Departamento di Asunto Economico, economia no ta bay crece mesun hopi cu aña anterior, pero ingreso ta mas y den e caso aki e surplus proyecta te aworaki, si e realisa, Aruba por sigui inverti den hopi mas aspecto di e comunidad.

"Pa esaki nos ta aplaudi y elogia Gabinete Wever-Croes I y II y tur profesional cu ta haci esaki posibel. Ora tin critica ariba e resultadonan aki, mi lo bisa esaki: Si bo tabata por hacie miho, bo mester a hacie den bo 8 añanan di abundancia. Den e añanan di crisis (financiero y Covid), cu e tipo di resultadonan aki, ta hendenan cu ta traha cu curason pa Aruba ta logra esakinan. No solamente gobierno, sino e trahadonan, e profesionalnan na e diferente departamentonan cu ta logra pa realisa tur esaki. Pasobra ta na nan e credito mester bin tambe", Parlamentario Setty Yarzagaray a declara.

ENDY CROES TA CAMPAÑANDO FUERTE ROND DI ARUBA

Aruba ta contento cu e trabounan cu MEP a realisa



Diamars atardi, Endy Croes y Team Endy SI tabata activo den e bario di Madiki, unda cu a comparti e vision y e logronan di partido MEP den gobernacion. “Nos hendenan den Madiki ta contento. E portanan ta habri



un tras di otro,” Endy Croes a subraya. Por ultimo, Endy ta conta cu nan sosten dia 6 di december proximo! “Nos compromiso ta sigui”, Endy a finalisa. Un amigo pa semper! Endy SI!

SHIRT PICKUP NA BOTICA EAGLE PA E DIABETES RUN & WALK

Den colaboracion cu CMB, Healthy Lifestyle Center y Subway, Botica di Servicio ta anuncia e siguiente dia di busca t-shirt lo tuma lugar diabierna, 25 di october entre 10am y 6pm na Botica Eagle.

E di 7 edicion di Diabetes Run & Walk lo tuma lugar riba diadomingo, 10 di november 2024 cu e meta di recauda fondo y tambe trece conscientisacion pa diabetes. E fondo lo bai na Jump18 pa e di dos aña ehecutivo pa asina nan por continua cu nan cohort unda nan ta enfoca riba un miho estilo di bida pa muchanan cu obesidad y na riesgo di diabetes. Dr. Busari, hunto cu su team, ta guia e esfuerzo aki pa medio di workshops y otro iniciativonan practico pa trece un cambio positivo y na largo plazo pa e muchanan y nan

famia.

E evento aki ta educa personanan pa con maneha nan diabetes di miho forma y tambe pa asina motiva e comunidad na Aruba pa adapta na un estilo di bida mas saludabel. Diabetes ta sigui ta un problema serio riba nos pais, di cual e porcentahe di personan cu diabetes ta casi dobel e porcentahe di e poblacion mundial.

Ainda por registra riba diabetesrunaruba.com y haci bo pago diabierna awo na Botica Eagle y pasa busca bo shirt. Tambe por haci bo pago online of na Nature's Discount prome cu esey pa asina segura bo lugar den e careda.

Forma parti di e evento aki dia 10 di november y laga nos tur bin hunto pa diabetes y un miho estilo di bida!

7TH ANNUAL DIABETES RUN & WALK 2024

Sunday, November 10, 2024

REGISTER NOW

SUBWAY KIDS RUN
AWG. 15.-
ORI-FIT SHIRT & MEDAL INCLUDED

5KM/10KM
AWG. 30.-
ORI-FIT SHIRT & MEDAL INCLUDED

REGISTER NOW AT WWW.DIABETESRUNARUBA.COM OR SCAN THE QR CODE

Pay for your registration from Monday to Saturday at Nature's Discount (8:30am-6pm). Stay pending on our social media for more information.

Danki Aruba!

FUTURO TA E PROME PARTIDO PA ALCANSA TOTAL DI FIRMA Y RATIFICA SU LUGA DEN ELECCION

Cu hopi entusiasmo y orguyo partido FUTURO a mira con, riba e prome dia caba, a alcanza e cantidad minimo di firma di apoyo necesario pa participa den eleccion parlamentario di dia 6 di december 2024. E hecho aki ta testimonio di e entusiasmo cu ta reina den comunidad pa e propuesta nobo cu FUTURO ta trece y ta anima henter e ekipo di candidato pa trece e mensahe den tur skina di e isla.

E respaldo cu comunidad ta duna FUTURO ta representa un stap mas den direccion di un era nobo caminda Transparencia ta hiba na un bon gobernacion, Unidad ta fomenta un mayor cohesion den comunidad y nos ta biba den un pais

cu ta Representa e interes di absolutamente tur ciudadano.

TEAM di FUTURO tabata presente dialuna na Dependance di Censo pa yama bon bini y danki na tur cu a bin sostene e partido. Nan ta gradici tur cu a manifesta nan confianza den e vision di FUTURO. Yega na e 586 firma prome cu final di e prome dia ta un mensahe cla di aceptacion pa nan filosofia y e lista cu a presenta diabierna ultimo na Consejo Electoral.

E ekipo di FUTURO ta consisti, ademas di Gerlien Croes y Geoffrey Wever na number 1 y 2, di #3 cu ta Gino Goeloe, enfermero y personahe conoci den sector di salubridad



y social, #4. Ruthlyn Lindor, Criminologo y Docente Prome Grado, #5. Muzaninn Wever, Hurista Legislativo; #6. Gregory Ras, Ingeniero y Empresario; #7 Jeremy Erasmus, Especialista den negoshi y mercadeo y entrepreneur, #8. Rondell Heyliger, Entrepreneur ; #9 Della Lopez, Docente y

sindicalista; y #10. Omar Quandus Inspector di welder industrial

Awo FUTURO ta invita comunidad completo pa uni na e movimiento, conoce e candidatonan cu lo ta e voz di nan inkietud y aspiracionnan y pa forma parti di e cambio votando den e eleccionnan di 6 di

december proximo pasobra hunto nos por construi un miho FUTURO pa Aruba.

Pa mas informacion y pa conoce e plan completo, bishita e cuentanan di media social di FUTURO of e website: www.futuroaruba.com.

SSA:

DESPUES CU A KITA EX DIRECTOR VROLIJK PER DIRECT, HERVE RUIZ A KEDA NOMBRA DIRECTOR TEMPORAL



22 di october - Stichting Sportsubsidie Aruba (SSA) ta informa cu segun e statutan di e fundacion, ora no tin director di e fundacion, un miembro

di hunta di supervision ta tuma e encargo di director pa un tempo limita, mientras ta busca un otro director. E miembro ey ta pone su posicion den e

hunta abou.

E director anterior Vrolijk a wordo retira inmediatamente despues cu a sali na cla cu tabata tin iregularidadnan den e fundacion. Debi cu e posicion a keda vacante e momento ey, y segun Statuten di e fundacion, Herve Ruiz a pone su posicion como miembro di hunta abou, pa temporalmente ocupa

e posicion di director di e fundacion, mientras e fundacion a cuminsa busca un director nobo.

Durante su encargo temporal Sr. Ruiz lo enfoca riba ehecuta tur e recomendacionnan cu a sali di e investigacion, y asina percura cu tin checks and balances den tur sentido, pa evita cualkier iregularidad den futuro.



Partido MEP:

Danki na e bario di Savaneta pa nan participacion

UN BIAHA MAS PARTIDO MEP A CONTA CU UN ENCUENTRO DI BAN TOPA EXITOSO



Diamars anochi, Partido Movimiento Electoral di Pueblo (MEP) a organisa un exitoso Ban Topa den Savaneta. Ban Topa ta un evento cu partido MEP a cuminsa cu ne na aña 2023, y debi na e exito rotundo a continua cu ne den 2024. E meta di e encuentro aki ta pa candidatonan riba lista, encontra cu habitantenan di e bario cu nan ta representa, pa asina comparti informacionnan valioso y duna nan e oportunidad di haci pregunta.

Durante e encuentro di Ban Topa na Savaneta, partido MEP a presenta 3 candidato nobo cu a uni nan mes na e lista di MEP, y lo ta participando na eleccion electoral december proximo. E tres candidatonan aki, hunto cu Rodymar Geerman y Rocco Tjon lo representa

e bario di Savaneta. Tres dama, Natalie Geerman, Shirley Rafini y Marceylaine Paskel.

Despues di e videonan di introduccion a sigui cu e presentacionnan, na unda Natalie Geerman, Rodymar Geerman y Rocco Tjon a sa di duna hopi informacion importante y relevante. Por ultimo a duna su presentacion, lider di partido Evelyn Wever-Croes cu tambe a comparti hopi informacion importante, incluyendo e

7 puntonan di prioridad pa pais Aruba, cu partido MEP lo enfoca riba dje.

E anochi aki, mescos cu tur otro evento di "Ban Topa", a conta cu un Cebtro di Bario Savaneta completamente yen. Esnan presente a haci varios pregunta y sugerencia, pero alabes a duna aplauso na tur e logronan di e gobierno actual. Partido Movimiento Electoral di Pueblo MEP ta gradici e bario di Savaneta pa nan participacion.



Reconocemento di Cas di Papiamento pa Ramon Todd Dandaré Mag.Ling.



Diasabra dia 19 di october Cas di Papiamento a tene un atardi special dedica na Sr. Ramon Todd Dandaré. Ramon a bishita Riohacha, La Guajira, Colombia dos biaha den e ultimo tempo aki, na mei y na september.

E dos biahenan aki tabata sumamente exitoso. Durante e atardi aki Ramon a haya e oportunidad pa comparti cu un audiencia hopi interesa loke el a experiencia durante e dos bishitanan ey. Emocionante durante Ramon su presentacion tabata ora el a splica e balor di tur e reconocementonan cu el a ricibi na su pais natal di diferente instancia importante. E instancianan ta

Asamblea Departamental de la Guajira, Consejo Distrital di Riohacha, Alcaldía Distrital de Riohacha Fundación, Teatro Aurora de

Riohacha, Fundación Compartamos la Felicidad y Asociación Kojutajirawaa. Di Asamblea Departamental de la Guajira Ramon a ricibi di diputado Daniel Ceballos e maximo condecoracion Medalla Luis A. Robles Suarez. Di e manera aki La Guajira ta reconoce publicamente Ramon su meritonan destacante y e trabou briyante cu el a desplega como investigador, academico, docente, conferencista y gestor cultural di Gran Caribe.

Tur persona cu a haci acto di presencia diasabra a keda impresiona cu e presentacion aki!

Ramon a keda masha contento cu e oportunidad aki pa por a comparti su experiencia cu su famia y tur presente.

Cas di Papiamento tambe a sorprende Ramon cu un bunita plakkaat. Ramon



sigur merece tur merito y reconocemento pa a lucha incansablemente pa nos idioma materno Papiamento cu mester haya e lugha cu e merece den nos comunidad y den enseñansa! Ramon mes no tin Papiamento como idioma materno, pero su amor y su respet pa nos idioma desde edad di nueve aña ora el a

bin biba na Aruba a haci cu Ramon a dedica y ta sigui dedica gran parti di su tempo na nos idioma!

Ramon di su parti a expresa su gradicimento sincero y profundo na Swinda y Jay pa a organisa e atardi/ anochi inolvidabel aki p'e na Cas di Papiamento y pa a otorg'e e bunita reconocemento, na Joyce pa tan-

to cos cu el a haci p'e y cu hunto cu Mientje a percura pa un bunita bouquet y na e audiencia presente, su studentenan, su coleganan, su amigonan y su yiu, su sub-rino y su rumannan: "Boso tur a haci di e actividad aki un acontecimiento absolutamente inolvidabel pa mi. Danki, masha danki!"

ARTBO a tene seminario pa examen di faha preto



Den fin di siman Aruba Taekwondo Federation "ARTBO" a tene un seminario pa tur esnan cu ta bay haci examen pa faha preto, 2ndo Dan y 3er Dan.

Grand Master Melvin Ras-mijn, Master Yoshmar Wever y Master Miguel Genser a duna un resumen di tur locual e atletanan mester sa pa e examen di December.

Grand Master Melvin Ras-mijn a duna e atletanan un

demonstracion di Poomsae y Self Defence, mientras cu Master Yoshmar Wever y Master Miguel Genser tabata observa y corigí e atletanan.

Grand Master Melvin Ras-mijn a pone hopi enfasis ariba Poomsae y Self Defense, pasobra nan ta dos di e facetnan di examen.

Tur examen di ARTBO ta consisti di Poomsae, Self Defense, Breaking, Sparring y Tecnica.

What's It Like Being in the Gen-irators

Kiko ta nifika pa forma parti di the Gen-irators - Papiamentu' Gen-Irators, ta un grupo di hoben di 16 pa 21 aña na Kòrsou ku ta enfoká na e desoroyo eskolar, liderazgo i na e impakto komunitario, i ta ofrese un eksperensha emoshonante i desafiante pa su miembronan. E partisipantenan, miho konosí

komo "Gen-irators", ta hobennan ku ta compromete nan mes pa hasi uso di nan ta talentonan y hasi un diferensia den e komunidad. Nan ta deskribi e programa komo un kombinashon di ambiente y kresementu personal. Un di e akspektonan mas premia ta e oportunidat di por siña habilitatnan nobo.

E miembronan ta partisipá na proyektonan praktiko, ku ta siñanan kon ta realisá investigashonan, tuma inisiativá pa liderá i desaroya estrategianan pa aborda problema di mundu real ku ta afekta Kòrsou. No ta trata di ta solamente creativo, ta trata di kanalisa e kreatividat pa haña solushonnan pa e desafiyonan di e isla.

"E eksperensha ta saka bo for di bo zona di comfort", asina un Gen-irator a bisa. "Bo ta deskubri fortaliesanan ku bo no tabata sa ku bo tabatin i bo ta siña traha ku otro". Forma parti di e Gen-irators no ta solamente trata desaroyo personal, e ta trata di huza di bo talentonan i pashonnan pa un miho

kousa. Sea pa medio di papi den publiko, organisa eventonan of ta desaroya ideanan inovador. E lider hobennan aki ta formando e futuro di Kòrsou ku kada un di nan proyekto y investigashonnan. Pa mas informashon tuma kontakto ku nos na contact@thinktodoinstitute.com

Pelicularnan Arubano den Krioyo Film Festival 2024 na Corsou



DESIREE CROES

E CARTA



E MALETA ROS
Desiree Croes



For di dia 28 di october te 3 di november 2024, ta tuma lugar e prome edicion di KRIOYO FILM FESTIVAL. E aña aki e ta tuma lugar den Caribbean Cinemas na Sambil Shopping Centre, Corsou.

Algun productor local a ser acerca pa señor Orlando Martina pa ta parti dje film festival aki. E regla principal ta cu e pelicularnan – corto- of largometrahe mester ta na Papiamento. Tambe, p'e prome edicion, no a preocupa si ta un pelicula di antes of no.

E organisacion ta gradici cada productor cu a brasa e prome edicion aki mandando pelicularnan den e competencia. E premio ta finalmente "E Kadushi di Oro".

Pa Aruba "Djis pa hari" – productions di Semi Chahmi e.o. a manda su pelicula premia "Filomena" aden. "Berea productions" di Desiree Croes, a manda varios pelicula aden cu ta: E Berguensa, No Bay Fo'i mi, Lus riba lama, E Maleta Ros, E



Carta/A-11 y Sorry Mami. E festival ta conta cu un total di 30 pelicula na Papiamento di e.o. Aruba, Corsou y Hulanda. Cu esaki nos ta yama un

cordial bon bini na tur nos amigonan di Corsou cu ta desea di cera conoci cu pelicularnan di Aruba pa bishita Krioyo Film Festival 2024 na Sambil.



Obituario

Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera
Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

**Pa mas informashon por tuma contacto cu oficina na
585-9500 of na 741-4554**

BRANDWEER CU PRESENTACION NA FILOMENA COLLEGE MAVO

Recientemente señor Francis Toussaint di brandweer Aruba tawata di bishita na Filomena College MAVO na San Nicolas.

Special pa e materia Scheikunde señor Toussaint a enfoca riba e factornan di risico pa cu candela. Tambe a elabora riba e accionnan cu mester tuma na momento cu situacion cu candela parece.

Di e forma aki e alumnonan ta haya un idea mas amplio di e realidad.

Na nomber di tur e alumnonan di e NW-groep, maestro Noraima Andrade a gradici sr. Toussaint p’e presentacion importante y sumamente educativo aki.






**OLIVE TREE'S
PRE-PAID
FUNERAL PLAN**

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com

ORACION DI DIA



**Un feliz dia bendiciona colma
cu hopi amor, fe y speransa den
nos Bon Dios**

Despues di un rato e cria a bisa su shon: 'Señor a cumpli cu bo ordo,
ma toch a sobra luga!' (Lucas 14: 22)

Nos ta forma un solo curpa pa medio di nos union cu Cristo y nos ta uni mescos cu partinan di un solo curpa (Rom. 12: 5). E cria lo a haya duele ora prome invitadonan a nenga. Asina mes el a sigui cumpli cu ordo di su shon y aunke el a cumpli toch a sobra luga. Esaki ta musta cu e ta persevera y cumpli cu zelo cu su shon y ta na paz. Nos tin cu traha pa, y sirbi Señor cu zelo (Rom. 12: 11). Pero, Señor tin mas luga, pues e capacidad pa invitadonan pa e reino di Dios ta surpasa e expectativa di cada un di nos. Hesus ta siña nos pa cumpli cu ordo di Tata. Aunke nos por pasa den tribulacion y perseverancia, oracion constantemente ta yuda paso e speransa cu nos tin lo haci nos contento (Rom.12: 12). Paso cerca Señor nos ta na paz manera un yiu cerca su mama (Salmo 131).

Oracion: Señor regala nos gracia pa nos comparti donnan conforme Bo voluntad y biba den harmonia cu otro.
Amen.



HOTLINE



744-0444

CAPT'E Y MAND'E

FORTALEZA PA FAMILIA

Scirbi pa Pastor Marcel Balootje.

CANA DEN E BERDAD Y SEA LIBER DI BERDAD

E nivel di mentira y malicia riba mundo a aumenta drasticamente, pasobra e prins di e mundo aki cual ta satanas, ta esun cu ta influencia grandi y chiki, rico y pover, bobo y sabi, y hopi di esnan cu ta den posicion halto cu ta dirigi paisnan mundialmente a cay den su gara.

Berdad di Dios ta wordo rechasa, temor di Dios a bira anticua, y respet pa Dios hopi caminda ya no ta wordo aprecia.

Aprobacion di inmoralidad, mentira, orguyo y terkedad, a bira algo normal, pasobra ta para scirbi cu mundo henter ta den temponan trabahoso. (2 Timoteo 3:1-5).

Aunke e berdad di Cristo Hesus a wordo proclama mas cu dos mil aña pasa toch hende keto bay ta permiti nan mes wordo engaña door di e enemigo.

Pero mientras cu nos ta na bida, nos tin cu haci tur locual ta posibel pa rechasa mentira, sera porta pa mentira, proteha nos mes y nos famia for di mentira. Pasobra aunke hopi mentira ta parce berdad, nunca e lo bira berdad.

Hesus a bisa Ami ta e caminda, y e berdad y e

bida, ningun hende no por yega serca e Tata sino ta pa medio di Mi.

Si un hende no ta kere y no tin Cristo Hesus den su bida como Señor y Salvador e no ta canando den e berdad, e ta canando bao di condenacion, locual ta para scirbi den Juan 3:18).

Y esey ta e wega di diabel pa laga hopi hende kere cu nan no tin mester di Dios den nan bida, y cu no ta importante pa nan sali for di scuridat y bini na e lus di Cristo, cu nan ta bon manera nan ta y cu nan no falta nada, y asina pone hende kere den nan mes y no kere den Dios.

Y aki nan orguyo y terkedad ta aumenta, y falta di pordon den curason di hende, ta bira un custumber y den esey diabel ta sigi hunga cu mente di hende y asina nan ta cay bao di dominio di pica, y nan ta cuminsa yama locual ta bon malo y locual ta malo bon.

Si nos wak bon den Galatationan 5:19-21 nos por mira claramente cu un bida den carni, no por hereda e reino di Dios, esey Dios ta splica bon cla.

Den Romanonan 1:28 -32 ta bolbe muestra cu esnan cu no ta haña ta necesario

pa reconoce Dios, Dios lo entrega nan na un mente perverso, pa haci cosnan cu no ta cumbini.

Den esaki nos tin cu tene cuenta cu ta masha peligroso bay contra e berdad di Dios of haci bofon di Dios, pasobra tur locual hende sembra nan lo cosecha.

Ta un lucha grandi tin for di principio di mundo entre e berdad y e mentira, pesey Hesus a bisa den Juan 10:10 cu e ladron ta bini solamente pa horta, pa mata y destrui, pero E a bini pa duna bida y pa nos tin bida na abundancia.

Pesey Hesus a bisa cu si e Yiu haci boso liber di berdad boso ta liber. (Juan 8:36).

Den Juan 8 :1-11 Hesus tabata papia cu e muher adultera, pero tambe a hala atencion di tur hende cu esun cu no tin pica tira e prome piedra, den esey ta keda demostra cu nos tur tin pica y cu nos tur tin mester di Cristo Hesus den nos bida

Cristo Hesus no a bini pa condena sino pa salba tur esnan cu ta kere den dj'E.

E berdad di Dios ta necesario.

Clasificados

SOLODIPUEBLO@GMAIL.COM
CEL. 585 9500

SOLO

SUDOKU MANIA

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

3			4			1		
						7		
	8		6					4
2			3	9		6		
4			5					
1		7				9		
						8		
	4						6	
		6	8	1			5	7

STICHTING BLOEDBANK ARUBA

BO SANGER TA SALBA BIDA!

☎ 587 0002
f StichtingBloedbankAruba

Registra pa bira donante na www.bloedbankaruba.aw

La Cabana Beach Resort & Casino a celebra exito di tercer kwartaal



EAGLE BEACH - La Cabana Beach Resort & Casino recientemente a organisa nan celebracion di tercer kwartaal, honrando esfuersonan remarkabel y logronan di nan team. E evento a reconoce e dedicacion y enfasis riba excelencia cual ta defini e compromiso di e resort na loke ta servicio y hospitalidad.

E celebracion a consisti di un ceremonia di premiacion, reconociendo algun di e resort su top performers pa tercer kwartaal. Emplea- do di luna di juli a bay pa Kirk Lovelace, Front Office, empleado di augustus a bay pa Christopher Carolina, Accounting, empleado di september, Sharyl D’Arsie,

PBX, supervisor di tercer kwartaal tabata Michael DaCosta, y team di tercer kwartaal a bay pa departa- mento di Housekeeping.


Cada un di e personanan aki a muestra dedicacion excepcional, sobresaliendo mas leu di nan responsabi- lidadnan pa garantiza sat- isfaccion di e bishitante, sosteniendo e resort su en- fasis pa crea vacacionnan memorabel.

“Nos team ta e curason di e resort, y nan compromiso pa excelencia ta e secreto di nos exito,” General Manag- er, Joe Najjar ta bisa, agre- gando cu “Reconociendo nan logronan ta un parti vital den nos cultura, y nos


ta hopi orguyoso di e gana- donan p’e kwartaal aki.”


Esnan reconoci a wordo celebra durante lunch, pre- para pa e resort su team cu- linario, kende nan esfuers- onan a ricibi un aplauso grandi tambe. E celebra- cion tabata un momento pa refleha riba e trabao duro di tur empleado cu consis- tentemente ta contribui den e reputacion di e resort pa brinda servicio di calidad.

Mientras cu La Cabana Beach Resort & Casino ta sigui mira pa final di aña 2024, e team ta keda en- foca den mantene standard halto y amabilidad, cual ta haci La Cabana un di Aruba su hotelnan di mas stima.




Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - October 23, 2024

CATACHI Sorteo # 4427 5649 7512 1609 MULTI X X2 BIG 4 Sorteo # 4427 8876 MULTI X X2 10FF Sorteo # 2483 4036 ZODIAC Sorteo # 4427 4411 Aries LUCKY 3 Sorteo # 1301 035 MULTI X X2	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 2.350.000,-	LOTTO DIA Sorteo # 0 x Jackpot 0 x Match 4 0 x Afl. 8,00 Proximo Jackpot 107.000,-	MINI MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 250.000,- Afl. 350.000,-	KORSOU Sorteo # 
---	--	---	---	--



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - October 23, 2024

CATACHI Sorteo # 8379 7814 0191 5629 MULTI X FP BIG 4 Sorteo # 7423 4374 MULTI X X2 10FF Sorteo # 2128 3105 ZODIAC Sorteo # 6182 8787 Capricornio LUCKY 3 Sorteo # 1112 839 MULTI X X3	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 2.350.000,-	LOTTO DIA Sorteo # 09-11-15-19-23 Proximo Jackpot 107.000,-	MINI MEGA Sorteo # 1708 1 x Jackpot 1 x match 4 6 x Afl. 500,00 46 x Afl. 50,00 84 x Afl. 15,00 Mega Ball 07 Proximo Jackpot 250.000,- Afl. 350.000,-	KORSOU Sorteo # 
---	--	--	---	--

Parlamentario Alvin Molina

Prioridad: pone San Nicolas bek riba mapa di Aruba



Afspraak ta afspraak, un

dicho cu mi a scucha na varios ocasion den fraccion, den coalicion y den gobierno. Sigur un bon principio como e base ora ta traha cu otro pa tene bo mes na palabracion. Un afspraak cu nos no mester perde for di bista, ta esun cu a wordo oficialisa na Nicolaas Store dia 19 augustus 2021, entre e partidonan den coalicion pa cu Pueblo di Aruba. E afspraak pa inverti den desaroyo di San Nicolas, saca

San Nicolas for di e abismo pa decada largo y pa San Nicolas un biaha mas por contribui positivamente na economia, bida social y cultura di Aruba. Aruba merece esey! Tur sorto di motibo a wordo menciona dicon ainda desaroyo macro no ta wordo mira pariba di brug. Mi mes ta pushando varios proyecto cu ainda no por mira su frutanan. Gobierno a cay...ta con ta sigui awo.

Partido MEP a anuncia 7 prioridad cu lo enfoca riba dje den e temporada nos dilanti. E puntonan ta, entre otro, costo di bida, salubridad y nos grandinan. Cada un ta punto sumamente importante!! Pa colmo, ta danki na maneho financiero responsabel, awo tin espacio bek pa inverti den tur e puntonan aki, pero no lubida e afspraak di dia 19 augustus 2021. Pesey mi

peticion na Lider di Partido MEP ta pa agrega prioridad #8 Pone San Nicolas bek riba mapa di Aruba. Mi a entrega varios mocion tocante oportunidad pa desaroyo pariba di brug, entre otro, percura pa e hotel di berdad trece desaroyo positivo pa San Nicolas, drecha Carnival Village y organisa un desaroyo radical pa area di "mainstreet". Ban tuma bos di pueblo na serio y tene nos mes na afspraak.

MINISTER URSELL ARENDS: ARUBA TA CONOCE SU RAAD VOOR OUDEREN

Den cuadro di e vision y maneho di Ministerio di Asuntonan di Adulto Mayor pa logra un Pais cu ta balora participacion di Adulto Mayor, Minsiter Arends ta anuncia cu hopi orguyo e realisacion di Un Raad Voor Ouderen (RAVO) pa Aruba.

E logro aki ta uno cu a tuma



su tempo debi cu e reorganizacion di e secretariado di Sociaal Economische Raad mester a tuma luga, cual tabata un proceso administrativo largo.

No obstante, desde 2023 Minister Arends a instala e comision 'Ouderenzorg in perspectief' cu a sa di fungi como antesala di e RAVO, y asina duna consesho riba e temanan di suma importancia den cuida di nos adultonan mayor.

Recientemente den conseho di minister a ser aproba e instalacion di e Bureau Secretariele Ondersteuning SER en Additionele Raden (BOSSAAR) cual ta haci posibel e formacion di e Raad voor Ouderen Aruba.

RAVO lo tin como meta y tarea pa garantisa dialogo



cu e grupo di meta pa stimula posibilidatnan di participacion di Adulto Mayor den comunidad, Monitoria y identifica desaroyo na-

cional y internacional riba bienestar di Adultonan Mayor, embehecemento, maneho, pensoien y leynan relevante riba e tereno aki.

Alabes e RAVO lo duna conseho na Gobierno di Aruba tocante temanan relevante pa nos Adultonan Mayor den comunidad.